



Ассаламу аьлайкум, дустал

# ХХЯХХА БАРГЪ

Лакрал райондалул кказит. Ита бакълай 97-сса шин.

12+

«ЗАРЯ»

Нюжмар  
3 сентябрь  
2021 ш.

№ 37

www.zaria-online.ru  
gazetazary@mail.ru

## Цлусса дуккаврил шинал бухк1уллий

Августрал 23-ний райадминистраци-  
ялул совещанияртту дай хьункъат-  
луву хьунни, 2021-2022 дуккаврил шин  
хьунадакъаврин хасъсса, учительтурал

августрайсса совещание. Коронавирусрал  
инфекция ппив шавринсса нигъач1аву  
духьукун, совещания дунни муния цин  
лавхьхуну мугъаят хьунсса куццуй.



Хьхьич1сса шиннар-  
дий укунсса совещаниялин  
райондалул циняв педаго-  
гикалул зузат бат1айсса  
бивк1хьурча ва ххулхус-  
са бат1аву дунни анжагъ  
дуккаврил управлениялул  
зузат, школартгал дирек-  
торгал, миннал хьиривми  
(завучтал) гьуртту хьуну.

Совещаниелул трибуналий  
щябивк1уна «Лакрал рай-  
он» МР-данул бак1чи Юсуп  
Мах1аммадов ва дуккаврил  
управлениелул начальник  
Тамирлан Мах1аммадов.

Совещание т1ирт1уну,  
хьхьич1 махъ лавхьуна рай-  
ондалул бак1чинал.

Хьирив гьартгасса доклад  
бувна Тамирлан Мах1амма-  
довлул. Яла бавт1циирин-  
нал вич1и дирхьуна онлайн  
журалий РФ-лул дуккаврил  
министрнал Сергей Крав-  
цовлул бувсса ихтилатрах.

Докладиртгайн бувсса,  
цала -цала х1адур дурсса  
дуккаврил темардая ихтила-  
тру ялагу бувна К1ундиннал  
школалул оьрус мазрал ва  
литературалул учительница  
Абризат Х1ажиевал, Шав-  
к1уллал школалул директор

**Юсуп Мах1аммадов, райондалул бак1чи**  
(Учительтурал совещаниелий бувсса  
ихтилатрава)

-Райондалул админи-  
страциялул, дуккаврил  
управлениелул, дуккав-  
рил идарартгай каялушиву  
дуллалиминнасал цац1уну  
диялсса давуртту дурссар  
ва дуллалиссару дуккаврил

Асли Какваевал, Гьумучиял  
школалул учительница Па-  
т1имат Аьлиевал, МВД-лул  
«Лакский» отделдануч1асса,  
балугъравун къабивминал-  
са буллалисса инспекторнал  
чулухасса вакилнал.

Федерациялул дуккаврил  
Министерстволул чулухасса  
Х1урматрал грамота тапшур  
дуруна дуккаврил иширтта-  
ву хьхьич1унну зузисса Гьу-  
мучиял школалул директор  
**Соня Макъаеван.**



Жам буллалисса ихтилат  
ялагу бувна Юсуп Мах1ам-  
мадовлул. Хьирив Аьрасат

Совещаниелий бувсса их-  
тилатру аьч банну кказитрал  
лажинтиртгай.

Школартту гъели баври-  
ц1ун дарх1усса программа-  
луву гьуртту хьуну, ларгсса  
шинал райондалул ряхва  
школалий дирхьуссар къа-  
три гъели бай системарду,  
пластикрал ч1авахьултту,  
дурссар бакьин баврил, гъе-  
ли баврил давуртту. Хьхьич1-  
ми шиннардий кунма,  
ларгсса шиналгу 2 школа

идарартгал даража гъаз бан,  
дуккаврил качество хьхьич1унай  
дан, школартту ц1у  
буккан бан, бакьин бан, аьр-  
кинсса къай-къуйлул, техно-  
логиялул оборудованиелул  
щаллу бан.

«Лакрал район» МР-данул  
администрациялул х1укму

16 август 2021ш. №137

## Лакрал райондалий 2021-2025 шиннардий аьрщарал санитарный тагъар дуруччаврил, лахъайсса азарду сукку хьун къадитаврил ва инсаннал нигъач1аву дусса хьус, химиялул ва биологиялул затру, ххилич1лурду ва цайми пух- пусур райондалин ларсун буч1ан ва шикку дахлан къабитаврил х1акъиравсса комплексный план ц1акъ даврия

Дагъусттан Республикалул х1укуматрал ч1умуйсса Пред-  
седатель Б.Э.Эмеевлул 2021 шинал августрал 8-ний ц1акъ  
дурсса №01-14-09-1840/21 республикалул комплексный  
план биттур даншиврул, «Лакрал район» МР-данул админи-  
страциялул

**х1укму буллалиссар:**

1.Аьрщарал санитариялул тагъар дуруччаврил, районда-  
лийсса аьрщарал санитариялул тагъар дуруччинсса давурт-  
ту дан багъайсса лахъай азарду сукку хьун къадитаврил, ин-  
саннал нигъач1аву дусса хьус, химиялул, биологиялул затру,  
ххилич1лурду ва цайми пухпусур Лакрал райондалин лар-  
сун буч1ан ва дахлан къабитаврил 2021-2025 шиннардинс-  
са комплексный план ц1акъ дан.

2.Ва х1укму бишун ч1явучинсса информациялул чаран-  
най ва бишин «Лакрал район» МР-данул администрация-  
лул сайтрай (WWW/gazikumuh.ru) ва райондалул «Хьяхха-  
баргъ» кказитрай.

3.Ва х1укму биттур баврил ялув ац1ан тапшур бан «Ла-  
крал район» МР-данул администрациялул бак1чинал заме-  
ститель А.М.Кьюннуевлуин.

**Ю.Х1.Мах1аммадов,**

**«Лакрал район» МР-данул администрациялул бак1чи.**

гьуртту хьуну «100 школ»  
программалулу, ц1убуккан  
бувссар. Мукун х1акьинусса  
кьини нигъач1исса даража-  
лий бивк1сса школартту му-  
кун бакъассар.

Нанисса дуккаврил шина-  
ву дуклаки оьрч1ал хьхьич1  
нзукьунтту т1ит1инт1иссар  
600 дуклаки оьрч1ансса, ч1у-  
млул гьарца т1алавшин ду-  
руччалисса, ва язидургьусса  
технологиялул оборудова-  
ниялул ва къай-къуйлул бал-  
гусса Гьумучиял школалул.

Къак1улли, гихунмай  
укунсса школарду банхьунс-  
са, къахьунсса, амма ва шко-  
ла буллай хьинну хьунмса-  
са зах1мат, хьирив буккаву,  
х1арачат бан багъссар. Ва  
школалулгу цила клантту  
бугълагьиссар район ду-  
руччавриву, жула оьрч1ан

шагъурдайсса школартгай  
куннасса шарт1ру сакин дан,  
дуккаврил качество гъаз дан.

Укун бовхьусса школа  
бан итадаркъуссар анжагъ  
247млн арцул. Ва даража-  
лул даву дан 700-хьул мил-  
лиону лавгсса кланттурду  
бушиву буслай бур иширт-  
тащал хьуна бавкъми, счѐт-  
ный палаталул вакилтал...

Хьунмасса барчаллагъ  
т1ий ура администраци-  
ялул, УО-рал, школалул  
зузалтрахь школалул ч1а-  
лач1индарац1ун дарх1ус-  
са давуртту дан ч1ярусса  
субботникиртгайн бувксса,  
буклакисса.

Школартту бакьин бул-  
ларчагу, цлусса барчагу  
цимурцаннул т1ин ялавай  
бутлай бур ялу-ялун ду-  
(Бурги 2 лаж.)



(Дайдихъу 1 лаж.)



клаки банми чанхъанай бушаврил. Бур школартту 1-мур классравун гъансса оърчлривагу бакъасса. Ва дур яла хъунмур захматшиву.

Члалачлсса куццуй, коронавирсраря буруччиншиврул дуллаи бакъару члывичи бавтлсса давуртту. Буруччаврин яла хъунмур кумаг хъанай бур члывуссаннал вакцина баву.

Ххалбуллан бивклкун дуккаврил идарарттай зузисса 515 инсанная 150-ннал буну бакъар вакцина. Баян буллаи ура къанкъану, цуя-ца школалул зузала итакъаакъинтлссар цала даврин вакцина къабувну ухъурча.

Миннан булайсса харжгу бацлан бантлссар. Ва тлалавшин биттур даврил жаваб дулунтлссар школарттай, дуккаврил идарарттай каллушиву дуллалиминнал.

Ва ттул амру бакъар, ва республикалий каялушиву дуллалиминнал, Роспотребнадзорданул амрури.

Баллай бур райондалий ккаккан дуллалисса, къатлушату ларсъясса цаппара сертификатру щялусса душиву. Мукун бан цукунчлав къабучлссар, цанчирча щялусса сертификатру дусса, ми дуллусса республикалул инсантурая члывуссанная Уголовный делорду сукку дурну дур, давурттая букъан буну бур.

Шякъ бивклсса хлучча бур: шярвалу яхъанай дур школа буссаксса. Гъарца шинал хъуннасса къулагъас, хъирив буккаву дайссия школартту ябан, лакъин къабитан, классру чан къабан.

Шиная шинан чан хъанай бур школартту, дуклаки оърчллар микку зузисса учительтал гъарзасса

Мукун бухъукун дуккаврил качество цукун гъаз данссар, олимпиадартту, спортрал бяс-ччаллу цукун банссар?

Райондалул 3 школа лакъаврил дазуин бивну бур, (Чларттал, Хъунайнал, Ххюлуссуннал). Амма Ххюлуссуннал шярваллил администрациялул, директорнал, учительтурал хларачат буну, дуклаки оърчлру 18-найн биян бунни. Вайминналгу хларачат бан аьркинни мукун бан.

Дуккаврил масъаларттаву ца захматсса масъалану бацллай бур личли -личлсса дарсирдал учительтал биял хъанай бакъашиву,

жагылсса специалистал чанну бушиву. Биялну бакъар оьрус мазрал, физикалул, химиялул, къатлаллил мазурдал учительтал.

Дуккаврил управлениялул хларачат бан аьркинни специалистал хладур бан. Аьркинну бухъурча, райадминистрациялул чулуха харжлугъ дуллаи, ВУЗирдаву дуклан гъан банну жучланма бучлансса специалистал.

Шихуннайгу дачин дан дур шагърурдайсса лакрал жагылтурацал, студентътурацалсса хъунабакъавуртту, ми райондалин клунклу баву мурадрай. Хлукуматрал къулагъас хъинну гъаз дуллаи бур дуккаврил иширттах. Райондалул щала бюджетрал хъунмур бутла дуккаврин ккаккан буну бур. Миннуя мюнпат цуксса буссарив члалачли буллалссар дуккавриву хъанахъисса ккаккиарттал, дуклаки оърчлал итххяххаврил ва м.ц. Хлсав дарча, дуккавриву жучлара ларгсса шиналгу оьккисса ккаккиартту къархъунни. Ряха дуклаки оърчлал школа къуртал бунни медаллу ларсун. Члывусса бувххунни Москвавил, Санкт-Петербурглив ва цайми хъуншагърурдайсса ВУЗирдавун.

Нанисса дуккаврил шинал баклрая байбихъуну педагогтурал харжру хъуни бан багълагъиссар 23 процентрал.

Ва харжлугърансса арцу лякъин багълай бур райондалул бюд-

жетраву. Мунин буну, цинлархъхъусса оптимизация дан багъанссар, цуксса къаччайнугу.

ЕГЭрду дулаврил компаниялуву жуйра аьй дансса, щилтагъшиву итадаркъсса кланттурду къавхъунни. Ххуйну хладур хъуну, аьркинсса шартлру дузалну дуссия му иширан.

Мукун буну дуккаврил качество гъаз давриву хъхъичл ххуттавун ласунсса, уттигу цил багъайкун биттур къахъанахъисса масъалартту бур, вайннуха зун аьркинссар муданмагу, гъарца члумалгу.

Администрациялул хъунасса къулагъас дуллалиссару школарттай нигъачлаву къадиклавлрил, пожардая буруччаврил цланий. Амма клантту-канттурдайн бивукун школартту цучлав акъа къабитлатисса ишру бур.

Цланасса члумал ляличлсса къулагъас дан аьркинну дур дуклаки оърчлан гъелисса дукра дуллалавлрих, минул ялув бацлаврих. Амма шиккуту жува члывуми ялттува, жаваблувшин чанну, дан шаймур къадуллаи зий буру. Арцу аьркин къахъанахъисса, амма агъамшиву ларайсса вайми чагъарду, бигарду бан ци дахчилай дур? Му зул биччибакъулшивури, чарабакъа духлаган дан аьркинсса.

Умуд бур вай клицларгссагу къаларгссагу диялдакъашивуртту духлаган дурну, цлусса гъирацал дайдишинссар дуккаврил шин тлссар.

## 2020-2021 дуккаврил шинаву хъусса ккаккиарттая, ва дуккаврил качество гъаз даврия

(Августрай хъусса учительтурал совещаниелий УО-рал хъунама Т.Махлammaдoвлул бувсса докладрава)



Райондалул дуккаврил идарарттаву бур 7 СОШ, 9 ООШ, 2 школалин гъанинсса, 2 ялун ххисса дуккаврил идара. Циняв школарттай дуклай бур 782 дуклаки оърчл, миннаву 76 - 1-мур классравун заназисса.

Оърчлал багъирдавун занай бур 177 оърчл. Ялун ххисса дуккаврихун, миннувува кружокирттан машхул хъуну бур циняв оърчлал 80%.

Гъарцанначла кунма дуккаврил сфералуву зузиминнай вакцина даврих хъуннасса къулагъас дан дур, бусса циняв зузалтрай вакцина дан буржлув буну буссар 1-мур сентябрь хъуннин. Мунин аьркинмур, гъарца шартл дузал дурссар. Амма хлакъинусса къини дуккаврил идарарттал зузалтрава вакцина буми биллай бур 77 процентрайн. Циняв - 473 зузала, вакцина буми - 365. Мьяжанссар, му тарих ялу -ялун хъунма хъанай бур.

Къанкъану баян буллалиссару вакцина къабувминнайн, сентябрьданул 1 хъунин чара бакъа му

даву дан аьркиншиву.

РФ-лул Хлукуматрал хлукму биттур буллаи, школалин гъанинсса оьрмулул оърчлал сияхл даврил система электрон журналдин дурцуссар. Мукун, 2021 шинал январьданул 1-нин хлсавну, оърчлал багъирдавун къамул бара тлссар тавакью бусса оърчлру хъунни 47.3-ния 7 шинан бияннинсса оърчлру циняв школалин гъанинсса дуккаврил идаралин заназли бансса каши хъунни.

2021 шинаву 11 класс къуртал буллалисса 39 выпускникнава 29 дуллунни ЕГЭрду, 10-нал дуллунни ГВЭрдал журналдин. Ва цлушин жун мюнпатну ва аьркинну члалай дур.

Дянивсса аьмсса даражалул аттестатру лавсунни 87, 11 классру къуртал буллалисса выпускниктурал.

Хасъсса журналул аттестатру ва дуккавриву хъхъичлун личаврил медаллу ларсунни 6 выпускникнал, ягу 2020 шиналнияр 1-нал ххишаласса. Ми цинявнал къуртал бунни Гъумучиял школа. Ми хъанай бур: **Ахлмадова Рукъижат, Аьлишаева Патлмат, Къурбанова Маликат, Буттаева Соня, Абакаров Абакар, Апанниев Махлмуд.**

Циняв медалистал бувххунни биляятрал, республикалул хъхъичлунсса вузирдавун.

**ЕГЭрду дулаву**

Оьрус мазрал экзамен дуллаи бия 29 выпускник. Райондалий ва экзамендарал дянивсса балл хъунни 65,2 (2020ш.-60,6). 80-ния ххисса баллу лавсунни Гъумучиял школалул 3 выпускникнал. Мьяцлалли рях-ряхва баллу лавсунни С.Буттаевал ва А.Абакаровлул.

Химия дуллаи бия 11 выпускник. Дянивсса балл хъунни 45,3 (2020ш. - 42,9).

80 балл (яла лахъмур) лавсунни Гъумучиял школалул выпускник-

нал.

Биология дуллаи бия 14 выпускник, дянивсса балл хъунни 48,9 (2020ш. -45,7) яла лахъмур балл Гъумучиял школалул выпускникнал (79).

Профильный математика дуллаи бия 7 выпускник. Дянивсса балл -41,3 (2020ш.-44,5). Яла лахъми баллу (620) Гъумучиял ва Гъунчлукъатлрал школалий.

Физика дулун ччан бивклунни 1 ученикнал, лавсунни 33 балл (2020ш.-45,30).

Информатика дуллаи бия 2 выпускник. Дянивсса балл хъуни 47,5 (2020ш. -38).

История дуллаи бия 5 выпускник. Дянивсса балл 45,2 (2020ш. 36,6) 48 балл (яла лахъмур лавсунни Ккурккуллал школалул выпускникнал.

Общественное дуллаи бия 9 выпускник. Дянивсса балл 55,5 (2020ш. -39,3). 81 балл (яла хъунмур) лавсунни Гъумучиял школалул выпускникнал.

Аьмну хларачат буну ва предметрал ЕГЭ дулаврил ккаккиартту ххуй дан бовхъунни, махъсса шиннардий хъинну захматну бивклсса. Мукун «2» лавминнал аьдад 9-ная 2-ннайн дагъунни, республикалул дянивсса балл 49,2 бухъурча, жучлава хъунни 55,5. Укун хъуншиврул школарттай апрель-май зурдардий дуллаи буссия ялун ххисса давуртту.

Литературалул ва иностранный мазрал экзаменну дуллаи буссия хъхъичлсса шинал дуклай бивклсса ца-ца выпускник, дулун бовхъунни миннаца ми экзаменну.

Жям буллаи учин бовхъанссар 2021 шинаву 6 предметрал ЕГЭрду дулавриву 2020 шиналнияр ларайсса ккаккиартту хъунни. Мигу оьрус мазрал, химиялул, биоло-

гиялул, информатикалул, историялул, общественаниялул.

Профильный математикалул ва физикалул ккаккиартту оькки хъунни. Аьмну республикалул ккаккиарттацал цацлу диширча 7нал химиялул, биологиялул, общественаниялул, профильный математикалул ккаккиартту республикалийнияр лахъсса хъунни. Профильная математикалул, тагъар республикалий хъиннура оьккину дирклун дур.

Мунишала, оьрус мазрал, историялул, информатикалул, физикалул тагъар республикалулссаннуяр жучлара оьккину дур.

Оьрус мазрал ва математикалул ГВЭ журналдин дуллаи бивклсса 10 выпускникнава 8наца экзаменну дулун къархъунни, 2-нал сентябрь зуруй цлунилгу дулунтлссар.

**ГИА (Государственная итоговая аттестация дулаврия)**

2021 шинал ГИА дуллаи бия 83 выпускник 9-ми классру къуртал буллалисса. 81-наца бовхъунни экзаменну дулун. 2-нал дулунтлссар сентябрьданый. 5-нал лавсунни хасъсса аттестат. Миннава 2 Ккурккуллал школалий, 2 Гъунчлукъатлрал школалий, 1Гъумучиял школалий 9 классру къуртал буллаи бивклсса. Мукунмасса аттестатру булун ккаккан буну бивклсса 9 выпускникнава 7-нал ми къалавсунни оьрус мазрал ва математикалул ОГЭ дулун къархъуну муквардан ва ххювардан.

Ва школалул директортурансса дарснуну хъун аьркинссар. Клуну биклан аьркинссар мукунсса аттестатру ххуйну хладур хъуминнаца, лайкъминнаца бакъа ласун къашайшиву.

Гъумучиял школалий дуллуссар 3 ОГЭ ва 5 ЕГЭ (2 ЕГЭ Ккуллал район хлалану). Къатлайлашивуртту, низам зия давуртту къархъунни, ЕГЭрду дуллалини итадаркъусса къатлайлашивуртту вари чинсса къархъунни, экзаменная буккан буми къавхъунни.

**Гихунмайгу буссар.**



**М.Ибрагимов**  
(МВД-лул «Лакский»  
отделданул  
балугъравун  
къабувхминналсса  
буллалисса инспектор)

-МВД-лул Лакрал отделданул ва ттула чулуха барча буллау ура райондалул цинявпагу педагогикалул зузалт цлусса дуккавил шин дайдишавришал. Члалтий ура цллулушиву, цала пишалул ххари буллалу, ссаур ва тлаилабалу.

Ттула къуллугърацлун бавхлуну хъуннасса дахлаву, хъуннасса бутла даврил бур школарттацлун, дуклаки оьрчлацлун бавхлусса.

Бур цаппара клантурду цацлусса жул давриву ссуускушиву дуллалисса, мугъягтшиву дан аьркинсса.

Масала, чагъарду гъан бару школарттаин дуккавила махъунмай хъусса, дарсру къадитлатисса дуклаки оьрчру бухурча баян бара тлий. Жавабру дучлаи жуцла цаягу мукунсса оьрчл акъар тлусса. Амма хъирив лаллай, клул буллау, классрал журналлу ххал буллан бивкълуну чла-

лан биклай дуккавил къатлув ливчлсса бакъанугу, багъана бунугу, бакъанугу, дарсру къадитлатими бушиву. Му масъала сантираин бутан бур.

Школарттаи чарабакъа щаллу бан аьркинсса, мудар итталусса масъалану хъанахъиссар террор-экстремизмалия бурччинсса чаранну бачин баву, профилактикалул давуртту хлура къадаву.

Утигъанну прокуратура хлала бувххун дурсса хъирив лаяврил члалачли бунни, ва ишираву диялдакъашивуртту душиву. Цавагу школалий зий бакъарнигъачлаври баян байсса сигнализациялул кнопкарду. Му хъуннасса диялдакъашивури.

Цамур буруккин бансса диялдакъашиву дур школарттаи къаралчитал давурттай къаляхълахъаву, ялттугану зузаву. Мюрщими школарттаи къаралчитал бувагу бакъар. Кюрххил школарттаи учительтал, зузалт бунугу, хъхъувай претстункинал бюхъайссар электронний почталийх цалари тлусса РФ-лул гражданинал паспортрал копия гъан бан, ягу цанияца организациалул

умуд бур вай, диялдакъашивурттугу духлаган дурну, дайдишинсса цлусса дуккавил шин жула школарттаи.

## «Образование» тлусса ялув бацлаврил - профилактикалул операция

Аьрасатнал МЧС-рал РД-лийсса УНД-лул Лавациял, Сергобалалал, Ахъушиял, Лакрал ва Ккуллал районнай ялув бацлаврил ва профилактикалул операция «Образование».

Му операциялул мурад - образованиелул объектирдай пожарду къахъунсса тлалавшинну дуруччаврил ялув бацлавури.

Клицларгсса отделданул зузалтрал гъашиунсса

архлал микку зузиминнанту инструктажру дурссар, пожар хъусса члумал миннал ци дуллан аьркинссарив бувсуну, каруннал дургъун ишла дайсса огнетушителлу зузи дайсса куц лахъхъин бувну,



шин дайдирихъуния шихуннай дурссар образованиелул объектирдай пландалин дагъайсса ва пландалин къадагъайсса 104 ххалбигъаву.

Ми ххалбигъавурттал хлассилан булну, образованиелул объектирдай каялушиву дуллалиминнахъхъун чивчуну буллуссар ккаккан дурсса диялдакъашивуртту духлаган дансса чагъарду ва миннан баян бувссар, ялун личин дурсса диялдакъашивурттал чулухуннайсса тлалавшинну цукунсса дуссарив.

Отделданул зузалтрал мукунна ххалбигъавуртту дуллантлуссар гъашину ми къадурну ливчлсса образованиелул объектирдайгу.

Образованиелул объектру ххалбигъагъини, мунишал

«Пожар шайхту, хъхъичла хъхъичл бан аьркинмур» тлусса лекциярду бувкуну ва семинарду булну.

Ляличлусса тагъар хласул шайхту ягу пожар шайхту аьркинссар оьвчин анаварну кумаг байсса къуллугърал номерданий -112 ягу пожарду хъусса члумал ххассал баврил давуртту дайсса къуллугърал номерданий -101 оьвчин.

**Э.О.Аьлиев, Аьрасатнал МЧС-рал РД-лийсса управлениелул Лавациял, Сергобалалал, Ахъушиял, Лакрал ва Ккуллал районан дагъайсса №12 отделданул инспектор, виваллил иширтталсса байсса къуллугърал лейтенант.**

РД-лул МВД

## Манзилданий хларамзадашиву дуллалиминная буруччин

(Дайдихъу 36 ном.)

-Зун ччан бивкълунни баян бавурттал сайтрайсса ци-дунугу машин ласун, ягу интернет -ттучандалийсса (ми биклай социальный сетирдаву: «Инстаграмм», «В Контакте» ва м.ц. Дахлайгу диклай къулайсса багълуй). Хларамзаданал сайки мудар тлалав бай ласласимунил багълул ца бутла ягу циняр арцу хъхъичл гъан дан цацланна. Ласласимур арцу дучлайхту гъан данна учай транспортрал компания-

Зу хъаврин банши в рул, преступни кнал бюхъайссар электронний почталийх цалари тлусса РФ-лул гражданинал паспортрал копия гъан бан, ягу цанияца организациалул

мугъру, реквизишругу (хлуччарду далиллу) бусса даххаврил -машан ласаврил къутли гъан дан. Арцу цацланна дичайхту, муштаринал телефон миннан «хъама дитай» (жаваб дуллан къабиклай).

(Машан ласласимур зучланны къадуркиссаксса, мунил багълул ца бутла ягу щала багъа гъан мабулларди!!! Хъус гъан дайманащал зува хъунабакъин хларачат бувара ягу мунаятусса хлуччарду хлусав ларсун ххалбигъяра, цайминнал муная ци тлий бурив ххалбара интернетраву!!! Миннал зучлан гъан дуллалисса паспортирттал суратру, ми инсантураца бакъа хъусса паспортрури, фоторедакторгурал кумаграл щялусса хлуччарду чивчусса. Машан ласаврил -даххаврил къутирдугу щялуссар, миннуй ккаккан дурсса организациарду нологирттал органдалий сияхлрайн ларсун дунугу. Ми организациарду лякъайссар «ца кьини зий диклайсса фирмардуну»).

-Зучлан оьвкуну, балаллун агъсса (ххуллий машиналул авария хъусса, щичал -унугу ивсса ва м.ц.) гъанчув ура учай. Яла гъалгъа бан телефон дулай полициялул зузалара тлусса цаманакъхъун. Мунал тлалав бай зул гъанчувнал биян бувсса зарал лахъан, мунал уголовный дело къаданшиврул.

(Личллулну, паракъатну гъалгъа бувара, нигъа къабувсун! Оьвкуманакъхъун суаллу булара зула гъанчувная балаллун агъсса. Цукунчлав гъан мадари оьвкуманал зухъра уксса


счэтирттайн арцу. Анаварну оьвчара «балаллун агъманал» мачча-гъанминначлан, кулпатравуминначлан, мунащал зузиминначлан ягу му клулминначлан ягу полициялул отделданул ва баян бувара хъусса иширая!!!)

- «В Контакте» ягу «Одноклассники» тлусса социальный сетъравусса зул страницалийн зуна клулусса инсаннаяту баян баву дуркълунни, буржирай арцу дулун тавакъю буллау.

ра. Агар мукун къажанжу хъун дан бюхъайсса бивкиссания, зухъ му щилчлав къабусинтлуссия).

-Зучлан дуркълунни клул акъасса инсанная СМС-баян баву ММС-баян баву, цала ккаккан бувсса хлуччарду тлитлийра ягу сурат, открытка, музыка зучланна дутара тлий.

(Мукунсса хлуччарду тачлав матлитлаванни ва зунна къаклулсса дуртаннаймур зучланна мадичаванни. Зул телефондалийн



Мошенники через интернет

Это нужно знать каждому!

(Тачлав арцу мадичаванни телефондалул клул бакъасса номердайн ва банкирал картардайн. Арцу буржирай дулуннин, оьвчара му баян баву гъан дурсса зуна клулусса инсанначлан, му мунал гъан дурну дурив дакл дацлан дан).

-Зун маслихлат булнни фондовый рынокрай акциярду ва валютта дахлахисса -машан ласласисса ва инсантурал брокернал (му рынокрайсса операциярду бан кумаг буллалисса дянивчу) байсса кумаг буллалисса компаниялул сайтрай регистрация дан ва му компаниялул счэтрайн арцу дичин, брокернал маслихлат байхту, миннух акциярду машин ласлай, къажанжу хъун дулланшиврул, акциярдал багъа баххана хъанахъаву ишла дурну.

(Цукунчлав регистрация мадаванни мукунсса сайтирдай, клул бакъасса инсантурахъхъун я зула хлуччарду, я зула банкирал картардал реквизишру (карта ишла дан шайсса хлуччарду) мабулаванни. Зуца тачлав къабюхъантлуссар компаниялул счэтрайн дирчусса арцу махъунай дучлан дан, цанчирча, ми арцу му счэтрая дичайссар личли -личлусса клул бан къабюхъайсса кисравун, мукунна дазул къатлувусса инсантурал банкирдайсса картардайн. Мукунсса компаниярду дурагу къадиклайссар, сайтирдал регистрациягу цайми паччахлугъирттай дурну диклайссар. Арцу дичинин, ми сайтирдая щил ци чивчуну бурив ххал булува-

бюхъайссар вирус дагъан, мунил зучласса «Сбербанк - онлайн» приложение тликъатлатли ягу зун къадиклакли дан, счэтрайсса арцугу клул бакъасса кисравун дичин. Клуну бикли! Мукунсса приложениерду зучланна дичлан бучлуссар анжагъ цинянан клулусса луртанная).

-Зучлан оьвкуну, бусай, ссай-бунугу буккайсса компаниялул розыгрыш дурну, зу ххув хъушиву, ягу лотереялий ххув хъушиву, ягу судрал хлукму булну, зун компенсация дагъан дуршиву, ми арцу ласуншиврул, зун багълай бушиву налог дулун, ми диян дайманансса харжлулгърал ва м.ц. арцу дулун.

(Вихшала дишинсса царугу дахху-ласуллул организациялул ягу паччахлугърал сакиншинналул мукун баян къабантлуссар дурххунуния, хъус-хъиншиву ирсирай дуккавила ва м.ц. Анаварну мюнпат ласунсса, къажанжу дучлан дансса тамахларшиву къадитияра!!! Хлуччарду интернетравухчлин ягу компаниялул офисрай ххалбигъара).

Агар зунна хларамзадату-рал мукун зарал биян барча, гацлана баян булувара полициялул дежурный частьрайн «02» телефондалиихчлин (мобильный телефондалиих «102») ягу Аьрасатнал МВД-лул «Лакрал» МО-рал «вихшалдарал» телефондалиихчлин - 8 (8722) 98-44-93.

**К.М.Макъсудова,**  
МВД-лул Лакрал МО-рал  
СМИ-луцал дахлавуртту  
даймур.



**Учредитель:**  
Администрация  
МР «Лакский район».  
**Учредитель:**  
«Лакрал район»  
МР-далул  
администрация

**Главный редактор**  
М. М. Мусалаев  
**Ответственный секретарь**  
К. М. Курбанов  
**Корреспондент**  
К. М. Курбанов

**Опер. комп. набора**  
Р. И. Джалаева  
**Тех. редактор**  
А. М.-Р. Абакаров

**Адрес редакции, издателя:**  
368360, Республика  
Дагестан, Лакский район,  
с. Кумух, ул.  
Сурхайхана-1, 96

Газета набрана  
и сверстана на  
компьютерной базе  
редакции газеты «Заря»  
и отпечатана в ГАУРД  
«Издательский дом»  
«Дагестан»  
Адрес:  
г. Махачкала,  
пр. Насрутдинова, 61.

Срок подписания  
в печать 17.00  
Подписано в 16.00

Газета выходит  
в неделю 1 раз.  
Тираж 742 экз.  
Цена свободная.

Газета зарегистрирована  
Управлением  
Федеральной службы  
по надзору в сфере  
связи, информационных  
технологий и массовых  
коммуникаций по  
Республике Дагестан от  
22 августа 2017 г.

Регистрационный  
**ПИ № ТУ05-00385**

*Позиция редакции  
может не совпадать  
с точкой зрения  
авторов, которые несут  
ответственность  
за достоверность  
о объективность  
представленных для  
публикации материалов.*

Ина банавша-тутги  
На маржан якъут тутги  
Гъумучиял шагърулий  
Нурданул лавхъ чирахъру.  
\*\*\*

Я бакрал заллу акъуй,  
Бакрал ххуйшиву цира,  
Аргъирал дакнивасса  
Гъирарал гъалгъа цира.  
\*\*\*

Агъ, вил чув ухлагивуй,  
Чурххал бюхъаву цира.  
Шакилий гъану бивзун,  
Ширваннаву бивнавав.  
\*\*\*

Агъ, вил бава дирчивуй  
Вил яруннил ххуйшиву,  
Та Лукъманнул хлакиннал  
Щекъиран бувтунавав.  
\*\*\*

Агъ, вил чурххал бюхъаву  
Чиллардал чинарнир,  
Ненттабакрал титлаву  
Къалагъайннал чулнир.  
\*\*\*

Азайний ттирсунавав  
Гъумук дурурххунавав,  
Тгун хласратран дурнавав  
Оьрчлал шархъничал оьзи.  
\*\*\*

Амбарданул ахъаву  
Амбар якъутирал къанкъ,  
Вил гъавалул къанкъ ришлай,  
Илданий бацан къашай.  
\*\*\*

Ардарагъу хъавира,  
Вил чурххирал лавхъхъусса.  
Гъавалийгу члапира,  
Вил мазрай гъалгъа тисса.  
\*\*\*

Армани ккацлуд тйира,  
ЖугъутI шарссанил душра,  
Лаккуй ташу къахъурча,  
Улча чунмай гъанххура?  
\*\*\*

Арив уртту дури тIар,  
Арамтурал маз кIулсса,  
Урттуй тутIив дури тIар,  
Аьрабрай гъалгъа тисса.  
\*\*\*

Ашрапиртгал къа ххулийх,  
Мусил бурувшу ххулийх,  
Ттиркъуьал кичирттавух,  
Ххуй душ чIа чин бучIанну.  
\*\*\*

Агъу дай лухIи гъуни,  
Ща буккай хъахъи аьрщи,  
Щил хъаралу хъурчагу,  
Ххаралунссар вил тIащи.  
\*\*\*

Аьтарттуйх турлил ламуй,  
Хъхъириувух мурчал ххуллуй,  
Хинча дакъа пагъламан,  
Гуржи бавал азнавар.  
\*\*\*

Бавай, ца душ бури тIар  
Щюлли хъхъирил дяниву,  
Къирийн чалагъай дургун,  
Заннайн дуаьртту дуллаи.  
\*\*\*

Базаллул сангардацал,  
Сунттул далухирттацал,  
Ххяхха бургъил ххуллуцал  
Ххуллухъин, чIаважагъил.  
\*\*\*

Базаллуву ххирасса  
ХхарахIала ятIул гъивч,  
Ккаккан ина ххуйнугу,  
Багълул на лавайссара.  
\*\*\*

Базаллуву ххирасса  
ХхарахIала ятIул гъивч  
Тгун ссайгъатран ласурча  
Базар бухлаганххивав?  
\*\*\*

Банавша-тутIул арив  
Сурат мусил лелуххий,  
Буси вила дакниисса,  
Ттулгу дакI цалий дацIан.  
\*\*\*

Барчаллагъ, янил чаний,  
Замзамирал щарацый,  
Янин чIалай, чIу баллай,  
Ххув учин къабюхъайсса.  
\*\*\*

Бугъан кIулнал бугъарча,  
На мусил гунгумира,  
КъакIулманал бугъарча,  
ЦIун дакъа къюнарира.  
\*\*\*

Буттанния буттаннийн  
Мусил ламу бишинна,  
Буттауссил къатлувун  
Пашмакьирттай лахъанна.  
\*\*\*

Буцуллиаллил къанив  
Дарчин-михаккирал мурхъ,  
Вил гъавалул къанкъ ришлай,  
РатI-ккутIай бацан къашай

# ЛАККУ ШАММАРДУ

\*\*\*  
Бущи-ххуллу вил ххуйсса,  
Щинал яру вил ххуйсса,  
Щалвава чурх вил ххуйсса,  
Цумур бавал бувссара?  
\*\*\*

Бюхттул бакIуйн баргъ шуннин,  
Нурданул дуцIай ларзу.  
Ххуй душ, вин душру буллаи,  
ДуцIиннав изагуртрал.  
\*\*\*

Бюхттулний кIяла ларзу  
Ци усттарнал дурдивав?  
Цу усттарнал дарчагу,  
УрчIа ка мусил хъуннав.  
\*\*\*

Бюхттулсса барзунттай  
Гъалххасса ххарай,  
Аргъирай къакъивуй,  
Гъалакшиву цир?  
\*\*\*

Бюхттулсса барзунттайх  
Занай унугу,  
Урттуй ччан къабизав,  
ТутIуй бакъасса.  
\*\*\*

Къумасса ратIавух  
Уклай унугу,  
РатIнил щин къахIачIав,  
щарашул дакъа.  
\*\*\*

Бюхттулшиву, лахъшиву  
Лахъи чурттуьх ишивул,  
Ххуйшиву-ххаллишиву  
Бавал хъхъичIух ишивул.  
\*\*\*

Бюхттул цIияллай цIубарз,  
Лагъ цIияллай гъили баргъ,  
Бутгал къатта чанна бан  
Лавхъсса нурданул чирахъ.  
\*\*\*

Ва мурчал чухъа лаххуй,  
Ттуруллул къапа бихъуй,  
Симаргъилул кIиссурттах  
Арцул чагъана бищуй.  
\*\*\*

Ва муси-чIурлил чIантIив,  
ЧIуннагу къадучIайрив,  
Арцу-чIурлил чIатIаракI,  
ЧIуннича, зана икIу.  
\*\*\*

Ва янналуву жавгъар,  
Ярагъунниву якъут,  
Вирттавраву цумучу,  
Гъай, ттул аьзиз гъалмагъай.  
\*\*\*

Вил иттату букканна,  
ИттацIанттай бацIанна,  
Вил хъарала букканна,  
ХъачIунттай щябикIанна.  
\*\*\*

Вил хъарала букканна,  
Хъарал ккуртлул бацIанна,  
Вил иттату букканна,  
ИттацIанттайн лахъанна.  
\*\*\*

Вил чагъар арцул хъуннав,  
Къалам ттиркъюкъл хъуннав  
Вил каний ацIа кIисса  
АцIвагу мусил хъуннав.  
\*\*\*

Вил чурххирал бюхъаву  
Чулданий чинарнир,  
Ненттабакрал титлаву  
Къалагъайннал арнир.  
\*\*\*

Виричунал оьхъаву,  
Чал кIиллуву акъаву,  
Чурххирал авуршиву -  
Тгун эшкьилун уривав.  
\*\*\*

Вилаххав цIу ласуннин,  
ЦIарал буцIай тавхана.  
Ххуй оьрчI, вин оьрчIру буллаи,  
БуцIиннав цимирдавал.  
\*\*\*

Гъалгъа бия гъаргъарцул,  
Симан дия цIузурул,  
Душ бия ца мусил нур -  
Ялугълай я къабатIав.  
\*\*\*

Гъава бан къарчигъайра,  
Гъиву ласун бидавра,  
Бугъан кIулнал бугъарча,  
Барачатрал кIинира.  
\*\*\*

Жагъилнал чурххай дакъай  
Чиллу мусил някI чухъа  
Даин хъиншиврийн лахлан  
Ччиссаннан нясив даннав.  
\*\*\*

Жалин дуцайни лаххай  
ВицIхъиял гъалул чухъа  
Лавмарт шайсса жагъилнан  
Лаххан нясив къаданнав.

\*\*\*  
Ина арив иянинн  
Ар банавшалул шивуй,  
Даэлухун иянинн,  
Чахърал кIи-кIива бивуй.  
\*\*\*

Ина бавцIуний - цIубарз,  
На авцIуний - гъили баргъ,  
Жува кIиягу бавцIний -  
Лавхъсса нурданул чирахъ.  
\*\*\*

Исвагъан ттучаннай  
Туркманнал чирахъ,  
Чурххирал бюхъаву,  
Чув къаличIиву.  
\*\*\*

Къарчигъайлул ччаннай  
ХIатIинтрунир  
Вил ччаннай даркъусса  
Щурпа дулагъру.  
\*\*\*

Къаччинан булунсса душ  
Бавал лякълул къабаннав.  
Гъалбуьрцил букансса чIи  
Чахълунвагу къабаннав.  
\*\*\*

КIяла ларзулу ххуй душ  
Цумур ниттил бувривав?  
Цумур ниттил барчагу,  
Лякъа ттеркъюкъл хъуннав.  
\*\*\*

Лелуххантраву тIавус,  
Барзултраву бакIхъахъуй,  
Хъалуву лачIал чIалий,  
Чув бивхъуну ябава?  
\*\*\*

Магъулу чирахъ хъунна,  
Чирай бартбису хъунна,  
Ина мякълин хIачIансса  
Маччарал къукъу хъунна.  
\*\*\*

Машаллагъ, шагъ итаргуй,  
Шагърулул духъ ажарий,  
Ттиму мусил оьрчI къиргъуй,  
Вил диваннай бикIавав?  
\*\*\*

Москавгу мусил хъуннав,  
Кремилгу арцул хъуннав,  
Усса зисса хъун шагъру  
Щалва ттиркъюкъл хъуннав.  
\*\*\*

На бавал бусса хъхъуну  
Хъхъунивунвай баргъ бивтри,  
Бувсса ашкара шайхту,  
Хъулухун илчи увкIри.  
\*\*\*

На бакIщарацул щинна,  
Щилли нахIала байсса?  
Хъхъириувсса алмасра,  
Щихъхъунна бириййсса?  
\*\*\*

Нава ччинан мусира,  
Къаччинан мусиватра,  
Лакку багърал тутIира,  
Къаччинал мариттару.  
\*\*\*

На шаммарду байссия  
Шанзурдай гъарал уксса,  
Шанна жуав дайссия  
Заннан дакъа къакIулсса.  
\*\*\*

Нину гуржи дакъана,  
Гуржи бавал азнавар,  
Ппу армани акъана,  
Армани лухIи чIантIив.  
\*\*\*

Никъа мусил къавтIалай,  
Мархъ арцул кIутIутIалай.  
Вила гъунар бухъурча,  
Ласи на чал кIиллувун.  
\*\*\*

НякI чухълуй ссупра тIитIа,  
Чалмалий чятир бища,  
Хъхъирийн чалагъай рургун,  
Чалагъайлий чак бува.  
\*\*\*

Оьручай мусил кIили,  
Чал бакIрай арцул хъхъури,  
Чал кIиллуву авкъусса  
Гъумучиял исвагъий.  
\*\*\*

Пюрундалул шушлувун  
Бирлиантру дирчуну,  
Бирлиант вил чурххирал  
Савдалил занай буру.  
\*\*\*

Ссавруннайсса цIурттиксса,  
Лухччинийсса урттуксса  
Гуж хъуннав ххишаласса  
Ххирасса пачахIлугърал!  
\*\*\*

Ссурулу шунгъарданул  
Щяв кюру къабанна тIар,  
Цил гъунар ххиссари тIар,  
Гъавалуву банна тIар.  
\*\*\*

Ттул ттуплисуллул устгар,  
Кутайсуллул исвагъий,  
Вил эшкьилул бивчIарча,  
Гъаттавул къагъанссара.

Ттул мурчал чухъа лаххуй,  
Ттуруллул къапа бихъуй,  
Сурма кIюла кIиссуртгал  
Арцул чагъана бищуй.  
\*\*\*

Ттул эшкьи - хъункIул тутIи  
Хъун неххашал яларай,  
Ччаву - банавша тутIи  
Щюлли урттуцал ларай.  
\*\*\*

Ттул эшкьи чаннанлилли,  
ЩIараву къадарцIайсса.  
Навагу чарвитулла  
Бувсъсса мукъуй бавцIусса.  
\*\*\*

Ттурзаннуву тта бакъуй,  
Ттангъаксса лухччи дакъуй,  
Амма хъус ду багнаяр  
ДакI чумартсса, ссурахъуй.  
\*\*\*

Урттуву тутIи кунма  
ТтуркIу тIийнма личIаннав,  
ТтутIаха лархъхъу янна  
ДакI ххарину тIатIаннав!  
\*\*\*

Уртту дакъаний тутIий,  
Щин дакъаний щарацый,  
Чирахъ бакъаний чаний,  
Нагу дакIнийн багъайрив.  
\*\*\*

УрчIа хъарай баргъ бусса,  
Куя хъарай барз бусса,  
Каниву пагъу бусса  
Лакку шархъал оьрчI-виртгал  
\*\*\*

Янна-ярагъ бавхIуну,  
Чиллу-чухъригу ларххун,  
Чал кIиллувун лавхъукун,  
Заннал малаик ххива.  
\*\*\*

Къаххяххивуй, ххуй тутIий,  
Ххяххивуй, хъункIул тутIий,  
Силул шивуй, банавшай,  
Хъувух дишин къархъусса.  
\*\*\*

ХIалларавгу хъавира,  
Вил чурххан чурх лавхъхъусса,  
ХIавилийгу чIапIира,  
Вил мазрай гъалгъа тисса  
\*\*\*

ХIалал, хIарам къакIулну,  
ХIала дакълакьи мабав,  
ХIалалсса жула хъуслил  
Заллухъру жува бува.  
\*\*\*

Царай арду дури тIар,  
Гъинттул уртту къашайсса,  
Ца банавша дури тIар,  
Кинттул сил къаритайсса.  
\*\*\*

ЦIуллу хъуннав хIукумат,  
Мякънал къакъари кIулсса.  
ЦIакъ даннав компартия,  
Ккашилнал лякъа кIулсса!  
\*\*\*

ЦIуттуруллул хъхъев ххива,  
ЦIузурул чани ххива,  
Бивтсса гъили баргъ ххива -  
Ххуй душъявхъур най бивкIсса.  
\*\*\*

Чал кIиллувагу увчIун,  
Майдан ккурчIай авцIукун,  
Дуниал ххуй дан лавхъсса  
Нурданул чирахъ ххива.  
\*\*\*

Ччармузуй гуржи махIси  
Бивхъусса хавар хъуннин  
Чинар кунмасса вил чурх  
КIиллуй тутIу тIун бикIай.  
\*\*\*

ЧIаххув оьрчIан шар дурцун  
Шанна нюжмарди дахъра:  
Авчуссар тIар хIалтIилийн,  
УчIаннав, яллагъ, хъинну!  
\*\*\*

Шаназарва тта бусса,  
Шантуршва къатта бусса,  
Майдансса арнил заллуй,  
Вихъу-шаншуллул шагъруй.  
\*\*\*

Щюлли урттул ххуйшиву,  
ТтутIал ранг ягиншиву,  
Вил янил чаннашиву  
КъюлтIсса ттул ишан ласун.  
\*\*\*

Эшкьи шай шаврий яруй,  
Ччаву шай ятIул чIаврдуй,  
Урувма хIайран айсса  
ТтутIул къупру куккурдуй.  
\*\*\*

Эшкьи чирчу чалагъай,  
Ччаву чирчу бадиржан,  
Ттул эшкьилул хатI бивхъу  
Къаламрал иттацIанттуй.  
\*\*\*

Ялавай лакку чаргас,  
Лавай арнил исвагъий,  
Ялавайгу, лавайгу  
ЛалIлахIи мусил хIавий.

**Бищун хIадур бувссар  
Аьбиди ХIайдаевлул,**